

तुबारि संपादकीय
टीम

◆अस इ उम्मिद करुं लगे
से कि एण बाडे दिन
अन्तर सुआ मेहणु इस कम
अन्तर सहयोग कते।

◆इस तुबारि मासिक पत्रिका
समाचार पत्र एकट अन्तर
रिजिस्ट्रि नेई भो। सिर्फ पांगि
घाटि अन्तर पहुँ जे इ पत्रिका
शुरु कियोसि।

◆तुबारि एक अवाणिज्यिक
पत्रिका भो।

◆तुबारि पत्रिका कोइ मेहणु,
जनजाति, त संस्कृति गल्लि
कहेण जे नेई छपाण लगे। अगर
कोइ ई सोचता बि त अस
जिम्मेवार नेई।

◆छपाणे पेहले सोभ आर्टिकल
दुई टाई पागेई मेहणु हरालो
असे। इ त खुलि बोक असि कि
पेहिल वार पांगवाडि लिखणे
सुआ मुशकिल भुन्ति त गलति
बि भुन्ति। अगर कोइ लिखणे
गलति असि त असि जे जरूर
बोले। त अस तसे होरे संस्करण
पुठ ठीक करणे कोशिश कते।

◆आर्टिकल ना मिलए, या
घाटि मेहणु के मदद ना मिलए
त तुबारि पत्रिका कदि बि बंद
भुई सकति।

◆कोइ चिज छपां सि या नेई
छपां जे तुबारि संपादकीय टीम
पुरा अधिकार असा।

◆अस किलाड केन्द्रीय
पुस्तकालय, त बजार राखे ठेके
भेड हरिरामे दुकान अन्तर
तुबारि ट्राँप बॉक्स पुठ बि अपुं
सझाव ओर आर्टिकलस रखुं जे
सुविधा कियो असि।

◆अस सोभि पांगि
मेहणु जे हात जोड़ कई
निवेदन कते कि, तुस
बि कोइ अच्छा आर्टिकल,
पुराणि या नौई कथा,
कहावत, कविता, त
नौवे घीत (पांगवाडी
अन्तर) लिख कई छपां
जे हेंनदे दिए।

तुबारि संपादकीय टीम

☎ 9418431531
☎ 9418429574
☎ 9418329200
☎ 9418411199
☎ 9418411599



बुद्धि त समजदारि कहावते

◆एस कहावते बोलि बुद्धि, त समजदारि
बोक, समजाणन जे मेति।

◆बुद्धि तुं धे खुशि देन्ति त तुं जिन्दगी
शान्त बडाई छती।

◆जि लोहा, लोहे चमकान्ता। तिहाणी
मेहणु, तसे मित्रे गुण चमकान्ते।

◆मित्र सोब टेम प्रेम जुओइ विशता,
विपताई दिनी अन्तर भाई कम एन्ता।

◆जे तें त तें बोउए बी मित्र भो, से छडी न
दे। अपु दुखे दिनी या विपताई दिनी

अन्तर अपु भाई गी न घेण। प्रेम करणे बाडा भैयाड दूरे भाई केआं सुअ अबल भुन्ता।

◆सुआ मित्र बधाणे बेलि नाश भोई घेन्ता पर खरा दोस्त बी भुन्ता जे भाई केआ बी ज्यदा ट्यारा
भुन्ता।

◆जि सेन्टे मुशक बडिया भुन्ति तियाणी मित्रे सल्हा हें मन खुश कइ छती।

◆जे अपु मन साफ रख कइ दया जुओइ बोक कते राजा बि तसे मित्र बण घेन्ता।

◆परमेश्वर डर ज्ञान बणाने शुरुवात भो। पर मूर्ख मेहणु बुद्धि बोकि कें इजत न कते त रशुणी
लगति।

◆बुद्धि परमेश्वर देन्ता। ज्ञान त समजदारी बि सेइए देन्ता।

◆परमेश्वर अपु बुद्धि बइ धरति बडाई, त तसे ज्ञाने बइ अम्मर पुठे रखो असा।

◆बुद्धि न माणने मेहणु मर घेन्ते। मुर्ख मेहणु तेसे बथ हंन्टण जे सन्तुशिट कते से बथ तस खतम कइ
छति।

◆जे अकलदार असे से खुश भुन्ते। बुद्धि खरि जिन्दगी देन्ति।

◆अगर तुसी केई बुद्धि असी तसे खरा फल बी तुसी मेंता, तुस बुद्धि छाड दिएल त तसे बुरा फल
बी तुसी मेंता

◆गलत-गलत कम जे मजा उडाणे बाडे मुर्ख भो, पर समझदार मेहणु बुद्धि जोइ मजा नेते।

◆इ पक्की बोक असी कि बुद्धि तु अत्मा जोइ खरी असी, अगर तु तस पाइ घियाल त तसे फल बी
मेइ घेन्ता, त ते आश बी न टुटती।

◆बुद्धि सुने त चान्दि केआ बि कीमति असि। कसे चिज जुओइ बुद्धि बराबरी न भुन्ति

फियुड त उधमी गभुरु

यक ग्रां यक अबल बगीचा थिआ। तस बगीचे अन्तर अबल-अबल फियुड लगे थिए। तस बगीचे
देख-भाल यक माली कताथ। से रोज के तन्ही फियुडु पवांणी देन्ताथ। तस बगीचे भेड यक घर थिआ। तन्के
यक गभुर थियु। से सुआ उधमी थियु। से गभुर रोज के तस बगीचे घेंताथ त फियुड जोइ खेलताथ। पर जिखैइ
माली उघुण जे घेन्ताथ, त से गभुर दुबारी बगीचे ऐइ कइ फियुड टोड छताथ त टोडो फियुड इए उओ फटाइ
छताथ। रोज बगीचे हाल हेर कइ माली बचारा परीशान भोइ गओ थिआ, कि सोब फियुड कोउ नै लगे
असा। उओ फियुड बी परशान भोइ गआसे बोलण लगे कि अस बर्बाद भुण जे थोडी लगे असे। अस त सुआ

अबल असे।अस रंग-रंगी अबल फियुड गीहे त बगीचे शोभा बडाते,त अबल-अबल मुशख बी देन्ते।असी भगवाने अगर बी चढाते।बोडे -बोडे वीर मेहणु के अर्थी पुठ बी चढाते।होर खरे-खरे मेहणु के कियडी बइ बी फियुड के मडेइ लाते।पर अ गभुर सुआ उधमी असु,अनी अस सुआ परशान कइ छओ असे। अ असी टोडतु त ये त वो फटाइ छातु, सोभी फियुडु अपु परीशानी अपु राजे गुलाब जे बोली,राजा गुलाब अपु दोस्ती फियुडु के परीशानी शुण कइ दुःखी भोइगा।गुलाबे यक बोक सोची,तेन सोभी फियुडु जे बोलु कि जिखैइ से उधमी गभुर बगीचे ऐइएल त तुसी सोभी फियुडु नोक घेण त अउ खिलोरा बशता। तिखैइ सोभी फियुडु तिहाडी कियु।जिखैइ उधमी गभुर बगीचे अ त तिखैइ सोब फियुड तस हेर कइ नोक गआ।सिर्फ गुलाब खिलोरा बठा।तेन गभुर से गुलाबे फियुड काऊ त से सोचु लगा किस न मठे अस गुलाबे फियुड टोडी छडू? अभेइ माली बी उघो असा।तउ से गुलाबे फियुडु भेणगा त तस टोडु लगा,त गुलाबे फियुडु अपु कटा तस गभुर अगुल पुडाइ छाडा।गभरू अगुल केआ लहु नसण लगु,त तस सुआ चडग बी लगी।चडगी वझाइ जोइ तेन गभरू लम्मी लिअरी दीती।तसे लिअरी शुण कइ माली उघं बीझ गई।माली दौड देन्ता बहरी आतेन बगीचे अन्तर से गभुर काउ त दौडण दी कइ तसे भेण ऐइगा, त तेन से टइ छऊ।माली से गभुर डरो,मडु त समझो बी। तउ तस गभुर समझ ऐइ गई,त तस अपु गलती एहसास भोइगा।तेन बोलु, अउ अब कदी फियुड न टोडता।सोब फियुड गभरू बोक शुण कइ खुश भोइग, त खुशी जोइ से सोब नचण त घीत लाण लगे। तउ से गभुर तठिया अपु गी जे घेइगु।बबीता


कुछ खास खबर

- ◆ 26 सितम्बर 2013हिमाचले मुख्या मन्तरी पगेइ दौरे पुठ अओ थिये। तस जोइ मण्डी लोक सभा सदस्या मति प्रतिभा सिंह बी अओ थी।वन मन्तरी ठाकुर सिंह भरमौरी राजा साहब केआ टाइ रोज पहेला अओ थिआ।तन्ही जोइ शिमले केआ होरे बी मेहणु अओ थिए।राजा साहबे पगेइ मेहणु के सोब डिमांड पुरी करणे बादा किओ असा।तेन चेहेनी पास सुरग त बी:एस:एन:एल टावर लाणे सिधांतिक घोषणा की।
- ◆ जिला स्तरीय फुलयात्र मेला 14 अक्तुबर केंआ 16 अक्तुबर तक किलाड मनेईण लगोसे।

टाइ मेहणु यक मोटरसाइकिल पुठ बिश कइ गओ असे

बबीता

शेर सिंह पुलिस बाडे पुछु, तुस यक मोटरसाइकिल पुठ टाइ मेहणु किस गओ असे?



टोपी लाल बडे अराम जोइ बोता,हे चौथा सथी आज असी जोइ साते नेइ आओ।

ADVERTISEMENT/ BEST WISHES FOR MARRIAGES, BIRTHDAYS, RETIREMENTS Etc. Please ☎ 9418429574

तुबारि संपादकीय टीमे कनारा,तुबारि पंढू बाड़ि जे त सोभी पंगेई मेहणु जे फुलयाटे बधे।
दुर-दुर केआ किलाड फुलयाट हेरण जे ऐणे बाड़ी सोभी के तुबारि संपादकीय टीम स्वागत कती।

तुस कोउ भीन्त?

तुस कोउ भीन्त ? कथा संग्रह किताब पंगवाड़ी अन्तर झट ऐणे बाड़ी असी।

इस किताब अन्तर सहकारे सत कुइ, सहकार त ढामुसलु, जी देशी कथा त चोउर जुएली, छडी निशाण, कर भला हो भला होरी-होरी बड़ीया कथाइ जोइ तुस कोउ भीन्त किताब तुसी बडिया मजा त खुशी देती इ: किताब सिर्फ 2013 फिलयाट मेला या पंगवाड़ी वेबसाइड www.pangi.in अन्तर मेती।

Physical Medicine Rehabilitation Clinic

DR. ROSY DHANUNJAY. Moth ☎ 9418411599

रीडे हड्डी चोट, जिस्म सुन भुणे बिमारी, मोडु चिंग, जियेणु चिंग, टुटो हड्डी, अपंग त होरि बिमारी के हस्पताड रिफ्रेन्स बोलि मरीजे ईलाज इठि भून्ता।

Cerebral palsy, Paralysis, Spinal cord injury, Spondylosis, Physiotherapy and Physical disability counseling etc treatment is available here. .Timings:-

Monday to Friday 10.00AM to 01.00.PM

Specialized in Neurosciences